

集部輯佚文獻彙編


翟金明

主編



國家圖書館出版社

46



集部輯佚文獻彙編

46



翁中 題辭

中華書局出版

(晉)張華撰

(明)馮惟訥輯

張華

明刻《詩紀·晉》本

第四十六冊目錄

別集(四十六)

晉(五)

張華 (晉)張華撰 (明)馮惟訥輯	一
張華 (晉)張華撰 (清)嚴可均輯	二五
張司空集一卷 (晉)張華撰	四五
張華 (晉)張華撰 丁福保輯	六五
歐陽建 (晉)歐陽建撰 (明)馮惟訥輯	七八
歐陽建 (晉)歐陽建撰 (清)嚴可均輯	八一
歐陽建 (晉)歐陽建撰 丁福保輯	八三
謝衡 (晉)謝衡撰 (清)嚴可均輯	八七
潘岳 (晉)潘岳撰 (明)馮惟訥輯	八九
潘黃門集六卷 (晉)潘岳撰	

叙	·····	一一一
傳	·····	一一七
目錄	·····	一二三
卷一	·····	一三三
卷二	·····	一五九
卷三	·····	一八五
卷四	·····	二〇五
卷五	·····	二二九
卷六	·····	二五五
潘黃門集六卷附錄一卷 (晉)潘岳撰 (明)張燮輯	·····	
目錄	·····	二七七
卷一	·····	二八九
卷二	·····	三二三
卷三	·····	三五七
卷四	·····	三八五
卷五	·····	四一七

卷六 四四九

附錄 四八九

潘黃門集 (晉)潘岳撰 五一五

潘黃門集 (晉)潘岳撰 (明)葉紹泰輯 五三七

潘安仁文抄一卷 (晉)潘岳撰 (明)李賓輯 五五五

張華

字茂先范陽人晉武帝受禪以爲黃門侍郎贊伐吳有功封廣武侯遷尚書後進爲

侍中中書監盡忠匡輔加封公元康六年拜司空與趙王倫孫秀有隙爲倫秀所害○詩品云張華詩其源出於王粲其體華艷興託不奇巧用文字務爲妍冶雖名高曩代而疏亮之士猶恨其兒女情多風雲氣少謝康樂云張公雖復千篇猶一體耳今置之中品疑

弱處之下科恨少
在季孟之間矣

門有車馬客行

門有車馬客問君何鄉士捷步往相訊果是舊鄰
里語昔有故悲論今無新喜清晨相訪慰日暮不
能已詞端競未究忽唱分途始前悲尚未弭後憂
方復起

輕薄篇

末世多輕薄驕代

一作或

好浮華志意旣

一作能

放逸

貲財亦豐奢被服極纖麗肴膳盡柔嘉童僕餘梁

肉婢妾蹈綾羅文軒樹羽蓋乘馬鳴玉珂橫簪刻
玳瑁長鞭錯象牙足下金鑄履手中雙莫耶賓從
煥絡繹侍御何芬葩朝與金張期暮宿許史家甲
第面長街朱門赫嵒嵒蒼梧竹葉清宜城九醞醑
浮醪隨觴轉素蟻自跳波美女興齊趙妍唱出西
巴一顧城國傾千金寧樂府作不足多北里獻奇舞大
陵奏名歌新聲踰激楚妙妓絕陽阿玄鶴降浮雲
鱣魚躍中河墨翟且停車展季猶咨嗟淳于前行
酒雍門坐相和孟公結重關賓客不得蹉三雅來

何遲耳熱眼中花盤案互交錯坐席咸誼譁簪珥
咸墮落冠冕皆傾邪酣飲終日夜明燈繼朝霞絕
纓尚不尤安能復顧他留連彌信宿此歡難可過
人生若浮寄年時忽蹉跎促促朝露期榮樂遽幾
何念此腸中悲涕下自滂沱但畏執法吏禮防且
切磋

遊俠篇

翩翩四公子濁世稱賢名龍虎相交爭七國竝抗
衡食客三千餘門下多豪英遊說朝夕至辯士自

縱橫孟嘗東出關濟身由雞鳴信陵西反魏秦人不窺兵藝文類聚作開濟彊趙勝南詛楚乃與毛遂行黃歇北適秦太子還入荆美哉遊俠士何以尚四卿我則異於是好古師老彭

博陵王宮俠曲二首

俠客樂幽險築室窮山陰燎獵野獸稀施網川無禽歲暮饑寒至慷慨頓足吟窮令壯士激安能懷苦心干將坐自繁弱控餘音耕佃窮淵陂種粟著劒鐔收秋狹路間一擊重千金棲遲熊羆穴容

與虎豹林身在法令外縱逸常不禁

雄兒任氣俠聲蓋少年場借友行報怨殺人租市
旁吳刀鳴手中利劒嚴秋霜腰間義素戟手持白
頭鑲騰超如激電迴旋如流光奮擊當手決交屍
自縱橫寧爲殤鬼雄義不入園墻生從命子遊死
聞俠骨香身沒心不懲勇氣加四方

遊獵篇

歲暮凝霜結堅冰洹幽泉厲風蕩原隰浮雲蔽昊
天玄雲晦黓合素雪紛連翩鷹隼始擊驚虞人獻

時鮮嚴駕鳴儔侶攬轡過中田戎車方四牡文軒
馭紫燕輿徒旣整飭容服麗且妍武騎列重圍前
驅抗脩旃倏忽似回飈絡繹若浮烟鼓噪山淵動
衝塵雲霧連輕繒拂素電纖網蔭長川游魚未暇
竄歸鴈不得還一作旋由基控繁弱公差操黃間機
發應弦倒一縱連雙肩僵禽正狼藉落羽何翻翻
積獲被山阜流血丹中原馳騁未及勦曜靈俄移
晷結且彌藪澤囂聲振四鄙鳥驚觸白刃獸駭掛
流矢仰手接遊鴻舉足蹴犀兕如黃批狡兔青骸

撮飛雉鵠驚不盡收鳬鷺安足視日冥徒御勞賞
勤課能否野饗會衆賓玄酒甘且旨燔炙播遺芳
金觴浮素蟻珍羞墜歸雲纖肴出淥水四氣運不
停年時何亶亶人生忽如寄居世遽能幾至人同
禍福達士等生死榮辱渾一門安知惡與美遊放
使心狂覆車難再履伯陽爲我誠檢跡投清軌

壯士篇

天地相震蕩回薄不知一作可窮人物稟常格有始
必有終年時俛仰過功名宜速崇壯士懷憤激安

能守虛冲乘我大宛馬撫我繁弱弓長劒橫九野
高冠拂玄穹慷慨成素霓嘯吒起清風震響駭八
荒奮威曜四戎濯鱗滄海畔馳騁大漠中獨步聖
明世四海稱英雄

蕭史曲

藝文作張華樂府作鮑照然此詩詞格不類晉人當是鮑詩也

蕭史愛長

一作少

年羸女一作童顏火粒願排棄霞霧

好登攀龍飛逸

一作竟

天路鳳起出秦關身去長不

返簫聲時往還

勵志詩

九章

大儀幹

鳥括反

運天迴地游四氣鱗次寒暑環周星

火既夕忽焉素秋涼風振落熠燿宵流

吉士思秋寔感物化日與月與

平聲

荏苒代謝逝者

如斯曾無日夜嗟爾庶士胡寧自舍

去聲

仁道不遐德輶如羽求焉斯至衆鮮克舉大猷玄

漠將抽厥緒先民有作貽我高矩

雖有淑姿放心縱逸出般

音盤

于游居多暇日如彼

梓材弗勤丹漆雖勞樸斲終負素質

養由矯矢獸號于林蒲蘆縈繳

職略反

神感飛禽末

伎之妙動物應心研精耽道安有幽深

安心恬蕩棲志浮雲體之以質彪之以文如彼南

畝力耒旣勤

音

蓁

音

致功必有豐殷

水積成川載瀾載清土積成山歆蒸鬱冥山不讓

塵川不辭盈勉爾

一作

含弘以隆德聲

高以下基洪由纖起川廣自源成人在始累

上

微

以著乃物之理纏牽之長實累

去

千里

復禮終朝天下歸仁若金受礪若泥在鈞進德修

業輝光日新隰朋仰慕予亦何人